



Poštovani/a,

Bit Alijansa, asocijacija najvećih IT kompanija u Bosni i Hercegovini, organizuje CoderDojo školu programiranja koja će se održavati **od 15. jula do 15. augusta 2024. godine**. CoderDojo je globalna zajednica besplatnih kurseva programiranja za djecu i mlade uzrasta od 7 do 17 godina. Na CoderDojo radionicama, učesnici uče kako programirati, razvijati web stranice, aplikacije, programe i igre, te istražuju tehnologiju na zabavan i kreativan način. Učesnici se sastaju s istomišljenicima, rade na uzbudljivim timskim i individualnim projektima i stječu vrijedne socijalne i prenosive vještine za budućnost. Između 2017. i 2018. godine u Bosni i Hercegovini je više od 700 učenika osnovnih i srednjih škola učestvovalo u besplatnim časovima kodiranja.

Smatramo da studenti ovom projektu mogu doprinijeti svojim znanjem i vještinama kao mentori za mlade polaznike besplatne škole programiranja. Na ovaj način studenti mogu podijeliti svoje iskustvo i inspirirati djecu da se zainteresuju za svijet programiranja.

Kao mentori CoderDojo škole programiranja, studenti će imati priliku:

- Unaprijediti vještine komunikacije, liderstva i mentorstva,
- Inspirirati novu generaciju mladih ljudi da zakorače u STEM područje,
- Stvoriti vezu sa lokalnom zajednicom, te istovremeno postati dio globalne CoderDojo zajednice,
- Podučavati djecu i mlade osnovama programiranja kroz radionice.

Ono što očekujemo od naših budućih mentora je:

- Da su trenutno studenti Elektrotehnike ili IT usmjerenja,
- Komunikacijske sposobnosti,
- Strpljenje i empatija prema polaznicima škole programiranja,
- Posvećenost i pouzdanost.

Na [videu](#) možete pogledati kako je to volontirati za CoderDojo i postati dio zajednice.

CoderDojo će se održavati **od 15. jula do 15. augusta**, sveukupno 12 radnih dana u trajanju od 90 minuta, ili dva školska časa dnevno. Prije početka škole programiranja, studenti će imati mentora ispred kompanija članica Bit Alijansa koji će im pomoći i pripremiti ih na vođenje radionica. Materijali za rad će također biti obezbijeđeni, te će studenti biti mentori na fakultetu koji trenutno pohađaju.

Rok za prijavu je **28. juni 2024. godine**, a prijaviti se možete putem [linka](#). Za sva dodatna pitanja, možete nas kontaktirati na mail contact@bit-alliance.ba.

S poštovanjem,

Damir Maglajić,
Izvršni direktor

